



Broj: 01/5-1-02-1-16638
Sarajevo, 13.12.2017. godine

SKUPŠTINA KANTONA SARAJEVO
n/r predsjedateljice prof. Ana Babić

PREDMET: Odgovor na zastupničko pitanje zastupnice Bibija Kerla, dostavlja se;

VEZA: Akt Skupštine Kantona Sarajevo, broj: 01-05-30982/17 od 01.11.2017. godine

Aktom Skupštine Kantona Sarajevo, broj: 01-05-30982/17 od 01.11.2017. godine zatraženo je dostavljanje odgovora na zastupničko pitanje zastupnice Bibija Kerla koje je ista postavila na 34. Radnoj sjednici Skupštine Kantona Sarajevo, održanoj dana 31.10.2017. godine u okviru tačke Dnevnog reda „Zastupnička pitanja, inicijative i odgovori“, a u vezi angažovanja osoba izvan sistema državne službe na privremenim ugovorima o djelu ili radu.

S tim u vezi, obavještavamo Vas da je u Ministarstva unutrašnjih poslova Kantona Sarajevo po osnovu ugovora o djelu angažovano 42 lica.

Ističemo da je zbog ukazanih potreba, a u cilju blagovremenog obavljanja poslova, imajući u vidu da je u ovom Ministarstvu samo u Upravi administracije i Upravi podrške, ne računajući Upravu policije koja je uzgred napominjeno pet puta brojnija upražnjeno čak 74 radna mjesta državnih službenika i namještenika, nepochodno angažovanje određenih stručnih lica po osnovu ugovora o djelu koja će svojim radom za potrebe ovog Ministarstva pomoći u efikasnijem radu, obzirom da su nadležnosti ovog Ministarstva poslovi i zadaci koji se odnose na pružanje usluga građanima, domaćim i stranim fizičkim i pravnim licima, te javnim ustanovama, kao i da se poslovi i radni zadaci na koje su raspoređeni namještenici izvršavaju na šalteru, a što u cilju efikasnijeg pružanja usluga građanima zahtjeva aktivno prisustvo na šalteru svih osam sati rada, što ne ostavlja vrijeme za arhiviranje, slaganje obrađenih predmeta u čemu pomažu osobe angažovane po osnovu ugovora o djelu.

Napominjemo da u ovom upravnom organu od 2013. godine nije vršena popuna upražnjenih radnih mjesta za namještenike, niti je po osnovu javnog konkursa od 2014. godine vršen prijem državnih službenika, te u vezi s tim neki od državnih službenika i namještenika obavljaju poslove predviđene za čak dva ili tri radna mjesta, a da je prosjek starosti naših uposlenika 51 godina.



Lica koja se anagažuju putem ugovora o djelu daju svoj ogroman doprinos, posebno kada su u pitanju poslovi koji ne spadaju u redovne poslove, nego su poslovi koji se javljaju periodično, kao što su npr. savjetodavne usluge u postupcima javnih nabavki ili stručni nadzor nad izvođenjem radova čiji je investitor Ministarstvo unutrašnjih poslova Kantona Sarajevo ili navodimo kao primjer posljednje obimne poslove sređivanja i organizacije primopredaje registraturne građe bivšeg RSUP BiH nadležnoj ustanovi Arhivu Bosne i Hercegovine, u kojima su ova lica svojom pomoći znatno doprinjela realizaciji istih, te ostali također obimni poslovi u kojima isti daju svoj doprinos kao što su pomoć u postupcima preuzimanja arhivskih jedinica, razvođenja spisa, odlaganja arhivskih jedinica, pripremi arhivske građe i slaganju iste, o čemu se svakog mjeseca podnose izvještaji o radu na poslovima predviđenim ugovorom o djelu od strane neposrednog rukovodioca.

Navodimo da niti jedno od lica koja su angažovana po osnovu ugovora o djelu za vrijeme mandata ovog ministra nije primljeno u stalni radni odnos, a kopije ugovora o djelu sa detaljnijim tabelarnim prikazom dostavljamo vam u prilogu akta sa napomenom da isti sadrže lične podatke, a radi postupanja u skladu sa Zakonom o zaštiti ličnih podataka („Službeni glasnik Bosne i Hercegovine“ broj: 49/06, 76/11 i 89/11).

S poštovanjem,

PRILOG: Kao u tekstu x42.



Dostavljeno:

1. Naslovu;
2. r/r.



web: <http://mup.ks.gov.ba>
e-mail: kabinet@mup.ks.gov.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16

